

光緒重修安徽通志

重修安徽通志卷二百五十二

人物志

義行 六

甯國府

晉紀世和宣城人蘇峻黨陷涇縣桓彝遇害諸子流徙世和率

義故葬之

晉書桓彝傳

宋呂尹之旌德人年幼時見一夫不獲一物失所道路險而不平橋梁毀而不治則咨嗟流連不忍去比長卽幼所見爲之無遺年饑發廩以賑遐邇不遺其好善蓋天性非有所強而爲之也仲子應登進士爲歙尉

程班常水集

明王碧涇縣庠生洪武時捐穀千石助賑補國子上舍

涇縣志

張淵宣城人宣德三年饑出粟二千石以賑旌爲義民

甯國府志

楊敬宣城人與尙書陳迪有瓜葛永樂初迪殉難禍及戚友邏者捕得一同姓名人將執之敬挺身出曰我是也彼非也自攜家屬就獄後得釋迪之僕侯來保當迪與六子同日死嫻戚逃散來保潛拾其遺骨還葬宣城

江南通志甯國府志

丁恕南陵人敦厚好義鄰人垣壞獲束帛內皆白金簪珥也恕

亟還之

江南通志

何璧南陵人力崇正學冠婚一遵家禮遼東太學生邱經嘗寄五百金邱卒璧訪其里人張隅召其弟來還之

江南通志

孫汝棟宣城諸生有老匠以衣笥寄之閱歲啟笥中有二百金汝棟祕之三年其子稱父遺命來取悉以付之子應旂以歲貢

官豐縣訓導祀其縣名宦

江南通志甯國府志

左忠涇縣人嘗分產給諸弟有賣男抵債者亡金於途欲自盡

解彙救之過江甯鎮得遺金百守而還其人歲饑賑貸甚眾同

邑趙暉趙鈿文可輩皆以還金著

江南通志 甯國府志 卷三

程武定旌德人孝友天成庶母諸弟無閒言道得遺金守而還之遇亭有雉經者解其縊詢知其遺糧卽捐金代納不告以姓

名

甯國府志

黃友璋旌德人於逆旅臥薦下得三十金坐候抵暮有老人哭而至詢得實舉以還之

江南通志

劉煜旌德人以孝友聞嘗市中得遺金八十兩守之七日俟其

來而還之

旌德縣志

江田宗旌德人嘗拾珠釵一股值百金徧訪不得乃以之賑貧修路又見鬻兒女者二人問所需如數與之全其骨肉

旌德縣志

王十涇縣句人拾路遺七十金立而俟之以歸其人或問何不

自取答曰吾心不可欺也甯國府志

王贊宣城人景泰閒輸粟八百石助邊授散官同邑王志高成

化初歲歉出穀二千石助賑旌為義民子永深永澄皆以輸粟

得旌甯國府志

程文冕字志高甯國人成宏閒三賑邑饑詔賜七品冠帶江南通志

董九秀涇縣人正統時與弟儲秀運米千石輸京倉旌為義民

景泰閒又出粟千石送太平縣交納並給冠帶儲秀子倬勝並

以輸粟賑饑授冠帶他如建橋修學諸義事不可勝舉涇縣志

陳紹涇縣人萬歷戊子饑輸穀千石以賑子希載希宦等五人

又輸五百石希宦後官內黃縣丞有循良聲歷光祿寺署丞贈

父如其官涇縣志

王忠德涇縣人萬歷戊申饑輸穀千石授七品冠帶子諸生廷

鼎廷相天啟辛酉復輸穀千石邑令爲請旌建坊

涇縣志

胡尙仁涇縣人萬厯中水災輸穀二千石以賑又嘗修藤溪琴

溪橋子一際官光祿署丞亦嘗輸穀千石賑饑

涇縣志

楊璩宣城人萬厯閒大饑輸粟二千三百餘石助賑事聞給七

品服先是成化閒劉紹劉綬劉緣以歲歉共輸粟三千石並授

徵仕郎又有淩漢者好濟人緩急亦屢輸粟助賑

甯國府志

葛遵宣城人萬厯戊子大旱郡守廖某不忍徵漕議以倉穀抵

運弗給遵以二千石助之漕賴以完子逢春亦於萬厯戊申輸

粟賑饑

甯國府志

胡世寯宣城人以厚德聞歲饑發廩半值以糴全活甚眾卒祀

鄉賢

甯國府志

劉必秀宣城人好推解宣與溧水接壤正德中歲不登溧水民

多逋賦軍需甚迫必秀聞筆楚聲解囊代輸其邑令又踵門告

貸以足軍需事聞授徵仕郎

甯國府志

朱思泮南陵人萬厯時大祲出穀千石以賑同邑王宗憲崇禎

閒歲旱出穀千石以賑

甯國府志

鮑景明旌德人少孤事母以孝聞萬厯戊子大饑輸穀數千石

助賑族有訟產者事將興既乃曰懼無以對我景明也遂已

旌德縣志

旌德縣志

呂濟旌德人成化閒大饑與姪琳各輸粟千斛助賑

旌德縣志

林宗倚太平人萬厯時歲饑輸穀千石助賑又代完諸逋賦嘗

以艱嗣納妾詢知有夫即贈金還之後其妻連舉丈夫子三

甯國府志

甯國府志

金倅宣城醫官金璞之僕璞以輸歲額死金陵子枝甫在襁褓

俸破產走京師了公逋歸以所遺百金營繕田廬與妻聶氏同

撫藐孤勞瘁萬狀

江南通志

吳仕期字德望宣城諸生張居正奪情仕期擬上相國書傳於外南操院胡欝命太平同知龍宗武捕實獄訊所指授蓋欲以陷沈修撰懋學也仕期拷死不承遂斃於獄後御史孫惟誠具疏聞欝與宗武俱遣戍

江南通志

劉茂宣城人事母孝輕財好施嘗拒貧婦之奔者察其故卽捐貲代償其逋後官福建都司經歷

江南通志

徐旭字啟東涇縣人由舉人任隆慶州學正嘗聘典河南試同事有受託代爲輸款者旭拒之其人不知止旭厲聲曰君不畏國法獨不畏天地鬼神乎卽白監臨出其人

甯國府志

徐大復宣城諸生兄卒繼嫂吳能撫前妻子汝薦守志大復遂

令其妻與嫂同寢待孤姪不啻己子歲祲出穀平糶不能糶者稱貸與之不取償人頌爲徐家陰隲稍卒祀鄉賢汝薦亦能撫孤姪喜施與稱貸者常數百家歲終則焚券甯國府志

杜存性宣城人僦居梅氏寓舍梅至寓遺數十金去都不省記

杜持而還之人以爲難甯國府志

楊會宣城人假館逆旅主人女挑之拒不納明日以他事移去

甯國府志

秦邦相南陵人設義倉貯穀以賑周人婚嫁歲以爲常同邑許

夢旂歲歉煮粥以賑全活無算甯國府志

盛碣南陵人永樂閒輸穀八百石助賑子濫宏治三年復捐穀

五百石助賑賜七品散官南陵縣志

秦城南陵人景泰閒應詔輸粟四萬於通州授散爵又嘗建秦

家光頭等橋

南陵縣志

張金三南陵人天順閒輸粟七百五十石賑饑同邑王檀嘉靖

閒輸粟千石助賑

南陵縣志

程鵬甯國諸生力行善事自賑荒賑急以至施醫藥造橋梁捐資無算諸孫在襁褓亦知以乳相讓一兒不食則均不食云

江南通志

通志

查圖源涇縣人宣德閒捐穀五百石助賑嘗造九華山麓石橋

建茶亭並捐田六十餘畝入焉又於銅陵青陽要津造橋十三

處弟洪源寶源共倡義學建曉山書屋石門書院及步雲善繼

二橋又造石橋八處並置菴造亭以便行旅捐田積穀以賑荒

欸義行甚眾

涇縣志

焦詔芳太平人嘗遊京師客一賈人家賈忽有急當遠去以財

數千一妻兩妾倉卒託之詔芳別其內外代為負殖踰年賈始

還籍其本息並歸之賈分以謝不受

甯國府志

查景發涇縣人嘉靖閒旱縣發公廩賑極貧五斗其次三其次

一有俟數日而不得者景發傷之乃出貲買穀以賑倍其數全

活甚眾

涇縣志

陶積九南陵人萬厯閒饑捐穀五百石以賑同邑楊倫祥亦捐

穀五百石以賑又朱文點天啟六年出穀千石助賑

南陵縣志

孫國佐字蓋吾宣城選貢通判汀州府攝上杭新學宮息獄訟

致政家居三十餘年樂施不倦族貧無妻者助之逋負者還其

券

甯國府志

劉世卿旌德人天啟時土賊蜂起世卿奉縣委設保團伍保護

一方眾志輯安賊不敢偏給冠帶

旌德縣志

吳可徵宣城人明季大饑破產賑濟又勸率有力者存卹甚眾
病篤焚券千餘金子簡方赴試聞信亟歸而父已卒擗踊嘔血
以毀卒

甯國府志

葉殿賢南陵人明季大饑捐貲煮粥數月又施梲瘞道殣同邑
葉世璽崇禎十三年輸粟千石助賑徐希淳亦輸粟千石助賑

甯國府志

潘文龍涇縣人嘗助祭費三千金入宗祠妻胡氏承夫志復出
三千金建義倉顏曰景范

涇縣志

國朝孫懋昌宣城人明季盜起饑民蟻附首倡捐粟煮糜以賑盜
少息後鎮將王某戍其地懋昌出酒漿金錢以結其歡其所得
子女閉之爲居奇計懋昌贖以金訪其家而還之向從賊者多
連坐既得王歡往往爲白其冤活人於刀斧下里人感之

甯國府志

梅希聖宣城庠生明季寇起同宗設關於柏枧飛橋之麓爲避寇計寇從華谷嶺閒道人而據之未幾官兵至眾以設關資寇懼見罪希聖偕弟潛至關下積薪焚之寇用是滅族賴以安府志

俞一奇旌德人慷慨有膽略順治初有寇至設法禦之請官兵

會剿賊乃遁又修學宮建宗祠出三百金修村東萃慶橋甯國府志

饒宗良甯國人事母孝遊學白鹿洞慨然曰吾不古若哉家本

貧竭力創建家廟慕義者景從一族服其無私並就約束江南通志

趙大復涇縣人慷慨好施公事必首倡以致家貧有大賈負數

千金不還亦不索卒祀鄉賢江南通志

梅枝鳳宣城人繼母患疽人不肯近枝鳳率妻晝夜侍無倦色

山水暴發尸棺漂流枝鳳出貲撈救有主者歸之無主者葬之

歲祲族不火者多方爲之所羣賴以安

甯國府志

梁穀南陵貢生考授通判順治初徵以母老不赴歲饑出穀三

百石以助賑

甯國府志

劉蘭生字君徵南陵廩生邑爲征徭所困酌立條例請於邑令
詳請具疏至今民食其福歲祲出資以賑全活者數千計

江南通志

劉發宣南陵庠生蘭生弟也順治閒饑同兄篤材各捐穀三百
石以賑巡撫蔣國柱上其事

詔賜旌獎

甯國府志

劉又相旌德人少質常熟識瞿忠宣公式耜與其孫昌文善忠
宣在粵順治五年昌文謀入粵勸其祖黃冠歸里又相慨然曰
辱汝大父之知當與子同行然相有老母請送子至浙東開帆
航海而余歸養母耳遂同行至溫州途兩遇賊皆幸免日覓海

艘遇徽商將往沙埕得附舟而僕竊行貲去昌文束手涕泣又相勃然曰子至沙埕富少延余爲汝還料理資斧卽肩被奔回常熟得五十金曉夜奔至沙埕昌文遂行而又相歸旌德八年母卒喪葬畢卽子身入粵訪昌文則忠宣殉難昌文已焚骨歸路不相值流離於粵而卒今瞿家歲時祀之

瞿昌文粵行紀事

胡一苞涇縣人善心計置田產數十萬悉與諸姪共延及五世猶未析爨歲饑捐穀數百石爲倡賑孤貧助婚娶義舉甚多

府志

胡最字我唯涇縣人順治戊子副榜授通判不就母病三年跪進湯藥膝痕入板撫孤姪逾所生與弟諸生勛倣范公義田例立支祠廣置祭田孤寡不能自贍者歲給穀終其身助婚娶施棉衣義事不可勝紀

南國府志

趙汝現涇縣庠生鼎革時山中賊起爲所得已而有拜於下者

曰公吾恩人昔活我於餓殍者也護以歸嘗捐資獨建崇聖祠

卒祀鄉賢

甯國府志

查若灝涇縣諸生嘗建合族公祠及報本堂置田租三百石供祭又租二百四十石爲修祠與賓興之費又租三百二十石推以與諸弟姪又爲兩鄉二十七姓建公所月朔集講鄉約他若造橋置渡義舉甚多

甯國府志

瞿洗心涇縣人嘗捐田三百畝入宗祠及卒有宣城周生者哭奠於柩前自言有室家得讀書成名皆瞿之惠而人莫之知也

蓋其隱德若此

甯國府志

江宗孔旌德貢生嘗捐三千金修家廟縣北三溪南河橋爲徽甯孔道久圯病涉以身肩之計工百萬緡錢十餘萬歷十餘年

始竣後任建德訓導升泰興教諭卒於官

甯國府志

劉啟培旌德人總角時兄弟並殤父慟甚啟培請於母爲父置側室生二弟愛之尤篤父母歿並廬墓三載歲歉買穀以賑置鐵鋤千餘具教鄉鄰掘蕨又建義學修石亭伐石砌路助建橋梁義行甚多

甯國府志旌德縣呈冊

劉時可旌德人嘗遵父遺命建義冢並置田十餘畝爲祭掃之資又建義冢於都中旅人德之凡遇歲饑必捐金買穀以助賑前後費過千數百金又立文社建文萃塔以培植人才義行卓然

旌德縣呈冊

江上達旌德歲貢歲祿出千金助賑又捐一千四百金助建三溪橋又於直隸姑蘇各捐三百金買地置義冢以葬客亡者邑箬嶺山路險仄鑿巖磴甃石道人尤便之

甯國府志

焦尚偲太平人順治初有寇劫其父去偲涕泣求代賊憫而釋之歲祲輒罄困以周鄉里邑壤溪當石太之交行者病涉誓成石梁需費數千金臨歿屬其子曰橋不成目不瞑其子夢虬踰年成之名其橋曰踵義甯國府志

崔宗美太平庠生鼎革時有總戎某率兵數千所過蹂躪宗美出米粟具酒肉以餉軍總戎喜千餘家得安堵無恐甯國府志

方永祚太平歲貢初聘崔氏女未婚而瞽妻父母辭婚永祚不可卒娶之白首無閒言甯國府志

胡應祥宣城人康熙壬寅庚戌皆饑應祥捐貲賑粥每費千金有餘事聞授登仕郎甯國府志

楊司極宣城人康熙癸酉饑出穀千餘石以賑全活甚多甯國府志

劉學禮南陵武舉涇有故人子貧甚罄妻學禮急稱貸與之得

免歲旱家無儲穀乃鬻田二十畝分給族鄰

甯國府志

王全涇縣人析產時盡讓諸兄弟自以服賈致饒康熙癸酉饑

輸穀二千石以賑

甯國府志

胡昂涇縣人康熙丁巳舉人歲祲捐米千石助賑又捐千金倡

修琴溪橋後官分水知縣有惠政

甯國府志

趙濟涇縣歲貢康熙戊子大水繼以疫瘡爲煮粥裝棉以拯寒

饑置藥施棺以助死喪老疾又捐貲修學宮獨建崇聖祠費千

餘金嘗有公項銀爲某所懷眾譁欲搜濟曰吾攜歸耳償之如

數卒祀鄉賢

甯國府志

馬士遷涇縣人有讐陷其兄將羅辟士遷年十三號慟求代往

來護視屢冒危險數年始得釋邑遭大水捐棺百餘遇歲饑出

穀三百石助賑

甯國府志

查舜一涇縣諸生康熙己巳庚午歲歛出穀五百石助賑卹貧

助葬善事極多

南國府志

高思居宣城人里有負逋鬻子者質田代償之嘗夜拾金數十兩坐道旁至旦俟其人還之

南國府志

后光映涇縣人有遠行者寄三百五十金其家不知後客死九

年始得信光映攜金還其家

南國府志

黃龍光南陵諸生里有鬻妻者數家咸出資使得保全有以重

貲託孤者後其孤殤龍光以其貲付其親屬絲毫不染

南國府志

趙崇濟涇縣庠生康熙戊子饑捐金助賑明年饑且疫復賑如

之自後歲饑必賑施藥施棺數十年無閒凡全人妻女者十三

家教諭沈大雅密寄清俸所餘人無知者卒於官盡出以付其

子且重贈之以歸卒年八十四

涇縣志

趙渾字噩臣涇縣庠生母喪泣血廬墓三年道拾遺金訪而還之康熙閒饑首捐米二百石倡賑又出金以貸不能償者焚券

至二千餘金

甯國府志

王廷璵涇縣人歲饑疫捐棺百餘具助葬又嘗獨建石橋三所

晚年家落盡焚借券以防後爭

甯國府志

葛大燁宣城人連歲苦饑煮粥以賑又勸有力數十家繼之皆感而樂輸子增能承其志嘗客金陵夜聞婦哭甚哀詢知爲因

貧將鬻者亟傾橐以全之

甯國府志

孫士勸宣城庠生康熙戊子大水圩潰出資募船拯溺得生者沿隄編席以居尋大疫士勸故知醫不避穢惡攜藥診治所活

無算

甯國府志

劉應湛南陵庠生康熙丙子過句容蛟水陡發高數丈應湛登

城呼曰有能救一人者予二金舟人奮力救援得不死者數十

人傾橐不足借貸以給更買棺以瘞死者

甯國府志

周有舉南陵人家貧年五十四無子嘗自館歸拾得金數十兩訪知郭姓竹匠所遺恨欲自盡有舉攜而還之後生二子卒年

八十四

甯國府志

馬晉南陵廩生嘗拾遺金守而還其人同邑張士毅母疾割股

路拾遺金守而還之又貢生王廷貴亦以還遺金聞

甯國府志

翟寫涇縣操舟者嘗拾遺金於廁上會鄰舟客以失銀疑爲本

舟所匿紛爭不止寫出金還之

甯國府志

仙綸來甯國廩生康熙辛亥饑綸來偕二兄雲來何來各捐穀數百石助賑後又連饑賑亦如之又修橋梁四五處費多金義

行不一而足

甯國府志

董鍾涇縣人性孝友多義舉嘗迎養寡姊終其身喪葬盡禮焚

積券千數百金卒年七十四

涇縣志

劉沛字霖起南陵人康熙癸巳舉人性孝友居喪哀毀兄弟前後並逝撫育諸孤俾各成立初父光祿楷置義田贍族沛添助膏火勸讀給米肉養老歲歛捐金倡賑助婚贖鬻施棉給樁後覲政刑部有欲薦之者力拒之未仕而卒弟諸生沆字雲起慕義強仁鄉黨尤被其惠邑修理儒學沆一身肩之

御史趙青泰所作傳

南通志

劉熹字澎起南陵人康熙戊子舉人嘗捐千金建宗祠又助修學宮造關聖殿建橋築圩邑大水出穀以賑全活無算

甯國府志

翟尙鍵涇縣人由明經司訓儀徵訓士有方家居好義康熙庚子大水輸穀千石以賑邑修學宮鍵建兩廡並文昌土地二祠

子孫相承修葺涇縣志

朱武勳字燕侯涇縣諸生性孝友塿篋無閒族有流落他鄉者走千里訪之爲置家室倡建龍潭石橋自是無溺者又置義田百畝以給族膏以郡學未修爲憾其裔捐資七千金成之嘉慶十一年

恩准崇祀鄉賢祠司冊 甯國府志

吳一標字錦然涇縣庠生性孝友歲歉捐金輸粟以倡義舉建宗祠立家塾助婚喪遠近德之甯國府志

姚希夔南陵人嘗爲族戚撫遺孤者四爲贖鬻妻者三康熙丁亥戊子荒疫洊至罄所積以賑又施藥施棺義行甚眾江南通志 南陵縣志

志

徐五元南陵人家僅自給丁亥戊子大歉五元鬻產買米逐戶

計口給之凡數月傾其家

江南通志
南陵縣志

胡曾璐甯國庠生與弟貢生曾瑗俱好義康熙閒捐貲修學宮

又續修兩廡又傾貲造縣西北澄清橋曾瑗嘗代完貧民逋賦

創置學宮祭器歲荒捐穀助賑

甯國府志
甯國縣志

于月昇甯國庠生家素封好義歲饑稱貸多不取償子庠生雪

錦持家政善承父志康熙戊子己丑歲連歉捐粟二千餘石助

賑兼施棉衣有羞慙不受者託借貸以與之卽焚其券

甯國府志

胡聘太平人嘗捐數千金造邑之洪潭永濟橋

甯國府志

周其昌太平人幼聞父言族有大綱者捐數千金建石橋於龍

門大河後圯欲重建而不果父卒其昌遵遺訓傾貲造之眾名

之曰孝思橋歲饑出粟以賑遠近頌德

甯國府志

汪作霖甯國人明經嗜古教授生徒嘗獲遺金不取見人急每

傾貲予之時稱古道

江南通志

譚經遠太平庠生事母孝母喜施建橋造亭置田爲久計經遠皆體其志成之兄早卒撫好逾所生康熙閒饑出穀以賑家儲不足更買穀五百石繼之

南國府志

汪永年旌德人嘗輸銀二千餘兩建石橋又助建涇邑琴溪橋郡城試院仄隘永年子觀瀾孫漢臣玉堂任重承茂祖琳等共輸六千餘金重建漢臣性孝侍親疾三年不懈歲歉買米平糶或計口散給又造孫村石橋郡東雙橋

南國府志

朱懷俶旌德貢生嘗建義學爲會文所子庠生則江嘗隨伯父

逢年捐二千金建繩武橋又捐八百金貯公備賑

旌德縣志

胡一安旌德諸生族建宗祠難其費一安慨然任之屬于大仁

鳩工庀材費萬有六百元告成

旌德縣志

吳錕南陵諸生自休甯徙捐米六百石助賑又捐金助修府學

暨宣南二學子芳貢生幼喪母哀毀孝事繼母撫異母弟友愛

性好施助婚嫁賑飢寒鄉人德之

甯國府志

王京仁南陵人捐職州同康熙閒饑按戶給穀雍正閒水災亦

如之子中孚善承其志鄉黨稱之

甯國府志

葉鳳吉南陵諸生邑南有山高數十丈磬石爲路以便行人康

熙閒饑捐穀五百石助賑

甯國府志

劉英字惟一旌德人康熙二十年至甯國收債俱各從寬歸途

卽於東岸造涼亭爲行人憩息之所居家廣行善事

楊式傳果報聞見錄

增新

章振世宣城武舉性孝友兄弟九人終身無閒言父嘗憂宗祠

圯之振世獨力經營購田六百餘畝祭器畢備歲稔輸穀以賑

邑有大疫施棺掩殮後遂歲以爲常並屬子孫行之府志

呂立祚旌德人生平好善瘞遺骨哺棄兒年至九十餘行之不

倦陳鵬年曾贈之序稱其敦善行而不忘入道德而無愧云江南

志通

胡大龍字超雲宣城人慷慨負氣節歲饑倡賑盡捐儲穀百餘

石不足則變產買穀以繼之督築東壩役者飢不能力大龍出

所儲食之仍各給金安家眾乃踴躍就工而水湍急久不能成

大龍大呼告天奮身躍入湖而死工隨竣至今民尸祝之府志

朱文煥旌德諸生歲歉族鄰皆計口授糧歲以爲常康熙間邑

三溪大路爲蛟水衝圯首捐千五百金修葺行李稱便又尊經

閣琴溪麻源霍家等橋皆不惜多金助成府志

江瑞旌德人重建祖屋聚本枝同居又修建右亭橋路計費數

千金成饑罄儲穀半價平糶

甯國府志

朱士海旌德人孝親睦族賑恤飢寒倡建藁口大河石橋獨輸

六千金不足仍鬻產成之

甯國府志

汪聯選旌德人嘗置義冢收葬二百餘棺又捐五百餘金置義

田入宗祠以贍族人同邑譚及亦嘗捐五百金入祠以備荒歉

又修葺橋路不惜多貲

甯國府志

汪藻旌德人邑清溪橋爲水所衝藻捐三千餘金葺之人不病

涉

甯國府志

劉遠旌德人捐職州同孝事嫡母生母得其歡心捐五百金創

建宗祠歲歉出穀助賑又捐一千五百金同朱文煥修葺三溪

石壁大路

甯國府志

方觀顏旌德貢生城南石橋衝圯遵父命出二千五百金重建

郡邑橋路皆捐貲助修疏河通筏歲饑捐金助賑

甯國府志

方廷祿旌德人嘗捐四百餘金助建宗祠有族弟伶仃遠出尋之歸爲完娶又嘗代里人完逋糧前後其六百餘金至如施粥給貧贈貲全人夫婦其義行皆有可紀

甯國府志

吳嶺字子峻涇縣人父虹諸生焚券數千金嶺中康熙甲午舉人嘗在京師倡修合邑會館訪知有義冢在干兒衎衎爲人侵隱申之大京兆羈畱四載蒙判歸涇凡一切費用皆出獨任俾涇旅人歸骨有所合邑欽爲義舉道光七年

旌建樂善好施坊

司冊甯國府志

王也臣太平人嘗命其子輸金於庫盡完一邑之積逋大憲給

額獎之

甯國府志

杜貴太平人家本貧後以質遷稍裕其弟不善服賈屢困不支

貴輒分所有以益之又好修橋路濟貧乏費至數千金

南國府志

程廷先太平庠生性孝友邑南鄉石壁道路崎嶇捐重貲鑿石

修砌數十里皆成坦途

南國府志

崔銓字晉山太平貢生康熙戊子饑散積儲以蘇族困免逋租

焚借券不知凡幾又捐貲買地爲義冢施棺槨歲以爲常弟銳

歲貢生有涇縣戚屬胡岑齡宰華陰負逋千金銳遣人賫金走

千里爲贖完之族建義倉兄弟皆捐貲以倡

南國府志

重修安徽通志卷二百五十三

人物志

義行七

甯國府

朱慶彩涇縣人里中蛟龍潭春夏水漲多溺人慶彩欲建石橋免病涉已鳩工庀材因疾不果臨終屬其子紹陳遂於乾隆丙申捐金一千八百兩成之又捐修郡學銀一千二百兩皆秉慶彩遺訓紹陳字義園族立義倉獨捐千金又購試寓於郡城處族子弟之應試者費二千金歲歉平糶者四又費二千餘金近里東西橋圯捐一千八百金修之

甯國府志
涇縣志

汪應玠涇縣人雍正二年孝廉方正嘗於新安遇遺金者情甚迫傾囊贈之又擬積貲爲合邑鄉試卷費會卒其子孫遂以田

百五十畝呈公舉其事至今士人賴之涇縣志

王家棟涇縣人嘗捐千五百餘金修學以縣主簿議敘後官中

城兵馬司涇縣志

張雲字天章涇縣人歲歉捐資助賑嘗獨建宗祠寢室修建琴

溪橋數次至修路給棺恤貧焚券義行甚多居平積金屬後裔

為邑作一公事嘉慶十一年眾共建文昌宮其子姓光錫猷燐

蘭臺等遵其遺命捐貲數千金獨建後殿嘉慶二十四年

旌表建坊甯國府志

方廷裕旌德人嘗捐五百金建橋於祕溪要道歲歉出穀賑濟

及助婚娶恤貧寒修改道路義舉甚多甯國府志

朱為顯旌德附貢嘗獨建丁香橋又捐一千六百元助修蘆溪

大河橋平居助婚喪育嬰孩自高祖以下貧者計口授糧歲以

爲常

甯國府志

吳濟昌涇縣人嘗積貲以備水旱乾隆乙巳饑其子姓以所遺

五千六百元助賑

涇縣志

翟鏡孫涇縣人嘗積貲以備水旱嘉慶甲戌歲歉子孫體其志

以其遺金捐七百餘兩助賑

涇縣志

吳百壘字經野涇縣貢生雍正乙卯饑與兄百填合力捐賑乾

隆辛未亦如之少與銅邑張某善張卒出金四百代償夙負攜

其孫歸教育之嘗僑居濡須與龍鎮值大水骸骨漂流買地上

元寺側檢葬千餘具土人號爲白骨冢後復大水又檢埋六百

具今繁邑三山江口有碑曰幽聚冢卽其處嘉慶十七年

旌表建坊

甯國府志
涇縣志

劉文炯旌德貢生嘗倡建義塾暨村口文昌閣各費千餘金雍

正庚戌乾隆己未歲饑買穀平糶不能糶者計口授糶其費二

千餘金他如施絮施棺等事歲歲舉行

甯國府志

胡學萬太平諸生父本啟捐金數千築石橋於楊村大河後爲

大水所決學萬捐貲重建規制加廣計費七千餘金名曰繼志

又建橋桃林構亭置田於長嶺歲施貧民棺槨

甯國府志

陳錡太平諸生有莊貯穀數百石鄰居失火莊獨無恙錡曰此

天畱以賑諸災鄰也盡出按戶給之予有爲文龍有紀克承父

志修學宮祭器樂器輸銀三百兩以倡

甯國府志

孫柯榮太平人歲饑嘗出粟千石以賑予鑽克承父志遇歲饑

亦出穀千石助賑

太平縣志

吳功字明試涇縣人布政司理問乾隆戊子己丑客繁昌值歲歉出金平糶全活甚眾甲午又饑平糶如前臨終以所餘金屬

子理問宗澤等遇歉歲仍舊捐輸嘉慶甲戌繁邑旱宗澤遵父遺言將所存銀一千一百二十兩盡行捐賑

恩賞紀錄二次村建廟宇首捐千五百金爲倡又捐田三十餘畝入郡

縣學

甯國府志
涇縣志

翟時普字德臣涇縣人幼侍母疾衣不解帶割股以進得痊嘉慶庚申出千金助賑又置義田一百二十餘畝於宗祠前丙辰歲石埭水災漂尸無算雇船沿撈買棺瘞埋卒年八十三辛未其子姓遵遺命又置田四十三畝入宗祠嘉慶十九年

旌表建坊

甯國府志

胡承端涇縣人家初貧端以服賈致裕財產悉均諸弟不自私嘗與族兄承錡承銓共建烏溪橋捐金置義倉助田入文會有負逋者以居宅償曰吾不忍也以券還之臨終手自塗券數千

金甯國府志

胡先序涇縣人乾隆乙巳歲饑疫捐金三百置義冢買棺以瘞

旅骨數十人義行甚多甯國府志

胡遠齡字永曾涇縣人嘗客巴蜀過瞿塘峽猝遇大風覆舟無

數急出己囊懸募救得生者十有六人餘得尸悉瘞之甯國府志

涇縣志

朱法字遵先涇縣貢生父必達多義舉法繼其志凡族黨大事

如建本甲宗祠倡文會培風閣藏書十萬卷造東西兩橋立義

濟倉皆身任之不解勞瘁者四十餘年又嘗校刊其族祖前明

歲貢朱一麟治痘全書十八卷有功於世甯國府志涇縣志

胡先惠涇縣人乾隆乙巳歲歉出貲倡糴眾皆賴之戊申適蜀

值荊州淪於水傾囊得千六百元僱舟救溺全活無算臨卒悉

以家產存公

甯國府志

汪永淮涇縣貢生性孝友乙巳歲歉捐穀數百石以賑又首捐

五百金倡建岡橋修路二十餘里

甯國府志

汪國佐南陵諸生嘗捐千餘金修邑碧溪橋鵝嶺橋澄清橋又

修學宮及奎閣義舉甚多

甯國府志

葉時勉南陵人捐職州同乙巳饑同弟時省輸粟三百石以賑

又修學捐田並承先志

甯國府志

汪應錦南陵諸生乾隆丁卯捐貲數千金築圩隄六百七十餘

丈以禦水患

甯國府志

汪自新南陵貢生嘗在青陽銅陵及南陵境獨建橋七處共費

金九千四百兩有奇

甯國府志

仙貽珍甯國諸生族中子弟無力從師者貽珍捐田八十畝助

脯脩

甯國府志

胡立庠甯國人有擔夫爲溧陽某函寄百金中途失之窘迫投

水賴同行者拯之立庠偶過詰其狀解囊如數與之

甯國府志

方璧旌德人庠生事繼母孝友於兄弟嘗出金三百助建宗祠

又偕弟祿各捐金七百造涇縣麻源橋乾隆丁巳冬代貧民贖

棉衣絮被於質庫聽自領歸祿亦出金助贖所費不貲又捐一

千三百金修學宮祿子然亦遵父志獨建崇聖祠及魁樓

甯國府志

趙希文字季重涇縣人乾隆丙辰舉人壬申修邑志時多浮語

以身任之遂得竣水西書院廢圯與從兄際飛偕左天聰趙功

懋沈輪等竭力興復講堂廊廡畢新每遇歲歉按族之貧者計

口授糧子琛庚午舉人知永淳縣以母老移疾歸克承厥志歲

施棉衣數百領又捐金數百獨修崇聖祠

涇縣志

左天聰涇縣貢生孝事繼母兄弟同居無閒言宗祠燬於火捐金倡建支祠他如修城池建太學館修琴溪橋並捐貲以助兼董其成而改建水西書院不辭勞怨尤人所難

南國志

趙一廷涇縣貢生幼貧甚後以服賈致裕獨力捐三千金重建尊經閣又與族叔際飛復古煙雨亭舊蹟又重建迎春亭爲祀農勸耕之所義舉甚眾

涇縣志

崔上眷太平諸生嘗承其父英志獨建邑洗腳嶺石橋又嶺東湖石橋圯與叔啟後捐貲重建又與啟後及族叔國光共建大成橋族有義倉經營數十年歲費若干而儲積增倍邑中每有義舉必以身先嘉慶十五年

旌表建坊

太平縣志

崔國光太平貢生洪潭河口橋圯捐金三千二百偕族啟後上

眷共建名之曰大成歲歉減價平糶惠普鄉鄰啟後出金如國光之數又與上眷造湖深潭橋共費六千餘金後爲蛟水所圯子可達與上眷子于儀復修之

甯國府志
太平縣志

崔煥斗太平諸生邑巖前司山徑險仄煥斗矢願修平工興而卒子光國光宗光祖統費萬金成之路隔一河復購石造橋名曰志成言承父志也同族崔壽齡亦捐金修邑西密崖路開山

鑿石闢險成夷又於黃榜下首創石橋頌聲噪達邇

太平縣志

焦灼太平人捐職州同嘗出數千金建後溪有成橋又助建璫

秀橋歲饑賑貸無吝

太平縣志

周建勳太平庠生母卒廬墓嘗捐置義田百餘畝以贍族又鑿

石築隄通溪水入河舟行稱便

甯國府志

馬元龍字義圖涇縣貢生弟早卒子日恆方週歲撫之過於所

生乾隆甲午獨建縣試考棚統費萬金有奇乙巳歲歎捐金六
百助賑嘉慶甲戌捐金助賑如之吏部侍郎王引之爲銘其墓

涇縣志

汪連涇縣人與弟稟貢珊及弟瑚共捐千餘金置縣公署於府
城凡縣令教職至府辦公得所安處乾隆乙巳歲輸金五百
賑濟鄉人

甯國府志

朱安勦涇縣人乾隆戊申荊州萬城隄潰時適客楚與同人募
舟救活數千人又倡首勸捐捨棺瘞死煮粥救生復建義濟堂
以垂永久事載江陵縣志

甯國府志

馬元勝涇縣人曾建琴溪橋獨修學宮大成殿至今子孫世葺
其費不貲

甯國府志

朱苞涇縣人與弟孫俱州同知性孝友同心無閒父安潤多義

行歲除散穀施金苞孫遵行數十年族起義倉苞獨捐二千金
爲倡族議設寶善堂義貯兄弟共捐銀三千三百兩修琴溪橋
又捐銀二千兩乾隆乙巳旱癸丑水賑貧周急所全無算苞性
喜靜孫獨持家政嘗造高村龍潭湖陂諸橋修茹麻嶺江子山
路數十里築湖陂壩以資灌溉皆躬自經營不避寒暑晚述苞
遺命以余村街田一百二十四畝入郡敬亭書院謝村田八十
餘畝入縣雲龍書院爲諸生膏火邑建文昌宮其子姓復捐五
百金以襄盛舉嘉慶十五年

旌表合建兄弟樂善好施坊

甯國府志
涇縣志

貢時奏宣城人乾隆丙子建平饑時奏過其邑之蘆村突無煙
者幾二十里亟歸載穀三百餘石往集耆老按戶給之村民賴
以全活

甯國府志

丁大成宣城諸生乾隆甲申倡修府學捐金五百又邑修縣學
獨任鄉賢名宦諸祠戊申復修縣學置歲修市房若干聞又捐
金五百爲敬亭書院膏火他如修家廟置祀田賑貧平糶助葬
掩骸善行無虛日家至中落不悔

甯國府志

鍾懷珠宣城貢生乾隆壬申丙子閒歲比不登懷珠倡捐平糶
里人賴以存活其貧不能糶者按戶分給務得實惠

甯國府志

翟思珠涇縣人乾隆戊子己丑饑捐金數千平糶賈於灣沚鎮
施糶又費千金子永鏞曾署均州知州次子鍾歷署邛州吏目
以父遺田百七十餘畝輸入宗祠義倉

涇縣志

曾啟佐宣城人嘗與公田百二十畝贖同祖之貧者常自恨其
力不能廣之一族云

甯國府志

馮祺卿宣城人事繼母孝有同堂兄姪相繼亡爲撫其孤成立

西北孔道崎嶇截輿捐五百金鑿石甃之並置亭以便行旅

甯國志

府志

張以寅宣城人父性卞急患癰瘰左右扶持不當意則跪而受杖乙巳大旱出穀三百石以賑又嘗捐田八十畝於宗祠以資

時祭

甯國府志

查世熾涇縣人嘗輸田入祠爲祭費歲歉必捐重貲倡賑兄患

風疾扶掖起居六載不懈其篤於友愛有過人者

甯國府志

陳可勳南陵人祖友暄倡建崇聖祠一邑稱其義可勳踵而修

之至若修城垣埋齒骼輸粟饋藥捐田積穀以培宗支至老不

倦

甯國府志

葉大芳南陵人乾隆乙巳旱捐穀五百餘石以濟族鄰子廷選

遵遺命捐田入春穀書院以資膏火

甯國府志

章鎮邦涇縣庠生嘗捐數百金獨修儒學門乙巳旱輸穀數百

石散給族黨

甯國府志

焦吉韓太平人繼母歿廬墓三年性好施喜修路以便行人其孫良宦繼之乾隆乙巳貿易當塗捐重貲買米助賑議敘得獎

甯國府志

江永旌德貢生嘗置義田以贍宗族建茶亭以利行人費金五千有奇議敘主簿同邑王良畿乾隆乙巳旱捐金五百助賑又諸生江瑞霖貲不豐首輸一千五百兩助賑眾賴以濟

旌德縣志

甯國府志

汪志元旌德貢生乾隆乙巳旱捐金數百兩助賑又嘗捐金生

息爲士子應試資斧嘉慶十六年

旌表建坊

司冊甯國府志

重修安徽通志

卷三十五

人物志

義行

人

甯國府

方達旌德貢生嘗遊吳門月夜坐舟中見有投糗枯樹者亟登岸救之詢知爲負逋不能償卽解囊贈之又嘗有客寄百二十金後聞其死攜金還其家

旌德縣志

姚鳳岐旌德貢生性好施凡道路崎嶇橋梁傾圯捐資修治動

費數千金

甯國府志

朱化鵬旌德廩生郡邑有大工作捐金輒千百計其尤著者修

城議敘授八品頂戴弟羽鴻貢生亦以修城授八品頂戴

甯國府志

汪篤周旌德貢生嘗買田儲穀備荒以敦族誼又建義塾置田

六十畝備膏火

甯國府志

王時紀太平人有莊田在皖江歲饑發穀數千石以賑土人立

石頌德

太平縣志

程國聘字應之太平人兄亡撫姪如子與京口王生善生以忤

勢要下獄國聘千里往省之主其家營救甚力王生乃免

江南通志

王致和太平庠生年十歲父疾曉夜禱神得痊及卒廬墓邑修學宮輸金庀材如治家事族人被火災致和給其食并其居

如未嘗災者

甯國府志

江雍旌德貢生歲歉平糶捐銀二千四百七十兩又嘗置義冢

費一千二百有奇

旌德縣志

崔士瑩太平貢生性孝友與兄士望互讓田宅歲饑煮粥以賑嘗捐貲倡修宗祠復命子學彬助田百畝以供祭祀贍宗族

甯國府志

府志

孫志太平人勇於爲善如修橋梁建書院助婚喪捐金動以千

百計

甯國府志

崔虞臣太平諸生嘗獨建村首石橋又捐田入宗祠倡置義倉

子繼序獨建河西隄一百三十丈費三千四百金有奇爲利甚

溥

富國府志

黃光健太平庠生修學宮建書院不惜千金爲倡乾隆辛未丁

丑歲歛出米數百石以贍族里

富國府志

崔國裕太平諸生邑東仰山爲往來要津建木橋五十餘丈且

捐田爲歲修計城東建麟鳳橋亦助數千金歲歛捐米二百石

助賑

富國府志

崔洪學太平諸生倡建宗祠置田贍族歲歛捐賑造亭修路約

費數千金嘗欲建石村河橋未果而卒其子鳴夏率弟四人繼

成之費金萬二千有奇

富國府志

劉士文太平人捐職州同五世同爨乾隆乙巳旱捐貲平糶費

八百金有奇

富國府志

程德惠太平諸生事親孝撫姪如子嘗獨修箬嶺石路費千金

行人稱便

甯國府志

趙應芳涇縣諸生邑有義舉必捐金以助嘉慶甲戌其子孫承其志捐金五百助賑

涇縣志

潘我生涇縣庠生嘗捐貲獨造彩虹橋并修路數十里歲饑買米以賑共用銀一千九百有餘

涇縣志

吳壽昌涇縣舉人由中書官鑾壁訓導嘉慶戊寅舒城水捐銀二千餘爲築隄禦之明年復決又捐千金修之壽昌親見七代五世同堂其父善政其子金紳亦五世同堂

涇縣志

翟雲涇縣庠生早卒其妻劉氏守志躬紡績積貲千金體夫志捐入宗祠爲士子應試費

涇縣志

洪吉寶涇縣人捐金七百兩助建里中成志橋又捐金助義學

義倉至恒貧掩骼修路義行甚多

涇縣志

胡大佳涇縣人好施早世其子世英孫斗元等克承其志捐千數百金修琴溪橋者再乾隆乙巳又捐金五百以給里黨皆承

大佳之志也

南國府志

朱必務涇縣鄉飲賓嘗建義塚於白塔山掩埋枯骨又捐千金於黃金塔建橋以便行旅土人名曰紫陽橋他如代人完逋全人夫婦義行甚多弟必勝好義如其兄助人喪葬爲人贖子全其骨肉子蔚芳亦能承志凡有義舉竭力捐輸

涇縣志

朱璽涇縣貢生嘗捐二千五百餘金獨建合邑義學卒年八十

六

涇縣志

朱慶霞涇縣諸生家不豐而好義里中建義倉罄所藏捐千金

以襄盛舉

涇縣人

朱忻涇縣人捐職州同嘗建義塾延師教族中貧子弟費數千

金疾亟聞里建義倉遺命捐三百金爲助同族朱蕙孝事繼母

撫姪如子病亟遺命捐金一千有奇入義倉以儲公用

涇縣志

沈大中宣城人孝事祖父母及孀母嘗捐金倡建城南綠錦橋

乙巳旱出積粟以賑不足賣田四十餘畝以繼之後又買祀田

百畝建義學置義冢助婚娶焚逋券義不勝舉

宣城縣志

張思煥宣城人淫雨潰圩竭家貲以賑且勸募有力者捐輸全

活甚眾每遇歲饑糴米數百石散給廣施藥餌備棺瘞骸施衣

禦寒義舉甚眾

宣城縣志

翟思瓊涇縣人乙巳旱捐金五百助賑臨終屬其三子永銓永

鈴永鈔以急公尙義三子克承厥訓凡歲歉助賑置田入族立

義倉起義冢造義渡興文會助膏火共費不下萬餘金

涇縣志

翟永課涇縣諸生嘗捐千餘金修路造渡復以千數百金置市房收租為補造之費行旅便之涇縣志

翟思墨涇縣人嘗捐五百金置市房為家祠祭費其子又捐五百金置市房以增入之涇縣志

張希仁宣城人嘗拾童運循錢票百千訪童還之童知其貧分以謝不受甯國府志

洪天元甯國人孝事父母嘗過五里亭拾遺金三百兩守其人還之不受謝甯國縣志

朱杞甯國職員嘗拾遺金六百兩亟訪其主則宣城諸生徐選所遺盡舉以還封識宛然同邑楊光炎亦以還遺金聞甯國縣志

鮑泰相甯國人嘗往和州市米遇赴水者救之詢為失金故即如其數與之甯國府志

郭珊宗旌德人嘗拾遺金守而還之

甯國縣志

孫望春太平人嘗拾遺金五十兩守而還之年登百歲子長生年亦九十九同邑崔學健張尙崔成梁葉德振趙敘皆以還遺

金聞

甯國府志太平縣志

吳宗澤涇縣人捐職理問村建文昌宮關聖殿首捐金一千五百爲倡又捐田三十餘畝入郡縣學繁昌水災適過其地捐二百數十金以賑

涇縣志

施澤宏宣城庠生性孝父建宗祠未就澤宏竭力成之邑學宮久圯澤宏於乾隆五十三年捐貲倡建堂廡一新又蓄餘資爲歲修計邑士賴之

宣城縣志

陳光迴涇縣庠生嘗捐田三十餘畝入族義倉孫曾體其遺意又捐金四百人之嘉慶甲戌又輸銀五百以賑同族貢生陳際

雲嘗捐五百餘金修路捐田十畝入縣學每歲歎必輸賑子景
良於嘉慶甲戌捐千金濟族得議敘又置田八十畝有奇爲族
士應試會文之費

涇縣志

胡超芳涇縣諸生嘉慶七年與弟起芳捐千餘金建府學崇聖

祠

甯國府志

吳山涇縣人嘗捐金二千五百修郡敬亭書院又捐金一千二

百建承志橋

涇縣志

朱慶洙涇縣人嘗獨建族中義學其費三千餘金又以千金爲

會文費又助修大通廣濟橋眾咸義之

涇縣志

查玉衡涇縣人歲歎助賑前後輸數千金族數百家負太邑課

千金代爲完納又以千金爲族士子膏火合族德之

涇縣志

唐廷楷涇縣諸生每遇歲歎前後捐金一千五百餘兩又嘗在

臨湖倡置義冢收瘞白骨

涇縣志

戴獻南陵諸生家不豐而好施歲寒給棉饑則賙粟兩完貧娶一贖鬻妻又勸置義田以興家塾同族戴期達收育遺孤者四瘞貧喪者七周急焚券又遺命其子以田捐入書院又貢生戴大案捐穀濟貧增置義田一族賴之又捐田爲書院膏火皆好義之士也

南陵縣志

翟夢綬涇縣人嘗輸田三百畝入宗祠從姪槐館選時多得其資助既卒其繼妻王氏又以田四十八畝入祠以終夫志

涇縣志

陳振聲涇縣人候選從九嘉慶十九年捐金五百助賑同族陳文炳嘗置義田三十餘畝以備水旱族建支祠首輸千金爲倡

涇縣志

翟惟寅涇縣諸生與弟貢生惟清理問惟新並好義樂施嘗捐

金三千首建族中義倉置田二百八十一畝以備水旱惟清先
卒子諸生佩蘭承父志一切義舉悉從諸父共襄厥事嘉慶二
十一年

旌表建坊 涇縣志

杜善西太平人嘉慶二十二年修理學宮同王紹祖各捐五百

金 太平縣志
新增

左廷傑涇縣人嘗以歲歉樂輸議敘建學宮前石欄修文昌祠
助修橋路歲培義冢嘉慶二十三年

旌表建坊 甯國府志
涇縣志

沈大炳涇縣人捐職理問父廷雄以好義聞大炳克承先志嘉
慶甲戌旱捐銀一千二百兩助賑又修橋造路慷慨樂施二十
年

恩賞樂善好施扁額紀錄二次

涇縣志

趙廷琇涇縣貢生乾隆乙巳早捐貲助賑又捐金五百修通濟橋又以金五百建支祠興文會臨終屬子良泉力行善事泉遵遺命遂於嘉慶甲戌捐五百四十金助賑又捐金五百助建武廟工久未成遂捐金三千四百有奇獨建後殿道光三年

旌表建坊

涇縣志

趙世榮涇縣諸生孜孜爲善恆苦不足縣東北橋梁久圯命其子國棟捐三千餘金重修又命捐千餘金倡修武廟嘉慶二十五年

旌表建坊

涇縣志

吳廷珊涇縣貢生乾隆乙巳嘉慶甲戌屢捐千金助賑道光癸未水災於無爲宣城蕪湖等處散給五千餘金全活無算道光

五年

旌表建坊涇縣志

朱琛涇縣人與弟瑄俱理問並孝友好義出嗣弟珩官京師歲有所資使不乏且經紀其家俾無內顧從兄理知衢州時琛在署佐治有方內外弊絕後貿於嘉定捐重資為地方興復育嬰堂婦嬰俱得實惠凡一切義事瑄皆同之涇縣志

何鴻梅南陵人捐職同知孝友樂施嘗修橫山道路行者便之嘉慶十九年旱捐銀五千餘兩助賑全活無算議敘運同銜南陵縣志

縣志

何鴻霖南陵人捐職州同事母以孝聞人以急告必周恤之歲施藥物全活甚眾嘉慶十九年旱助賑銀二千有餘議敘通判

銜南陵縣志

胡有遐南陵人事母孝嘗爲從兄完娶爲從嫂立嗣養贍以完其節又獨力建延壽橋造義渡立義祠創文會捐貲救荒費逾萬金家落不悔

南陵縣志

王文粹南陵歲貢任含山訓導父元趙監生敦善施惠必求實濟文粹性孝友遵父母遺命捐田一百二十五畝爲族義田又捐八十餘畝入書院歲饑疫助賑施棺費數千金眾欽其義父子均蒙奏請得建樂善好施坊

南陵縣志

子作霖附貢孫廷弼

州同銜於嘉慶道光間亦疊捐銀錢助賑

南陵縣志

新增

組可傳南陵貢生幼喪母事繼母如生母與異母弟同居五十餘年不析爨遇鬻妻者給金全之建橋梁施棺木歲饑助賑始終不倦

南陵縣志

劉希宗南陵人歲荒爲粥於路以食餓者嘗拾遺金冒雨久立

重修安徽通志

卷三百五十三

人物志

義行

五

南國府

候其人還之

南陵縣志

左瑜涇縣人曾官江川河陽二縣知縣告歸捐田四十餘畝市

房二所入公振興文會爲歲科鄉會試費嘉慶甲戌歲歉捐千

二百金助賑

涇縣志

馬日恆涇縣庠生嘗出資全人夫婦者數家甲戌歲歉捐金三

百餘助賑又修橋砌路動費數百金不吝

涇縣志

朱安松涇縣人嘗捐金三百入族義倉又置義冢興文會助試

費動費數百金

涇縣志

吳學道涇縣人官都察院都事嘉慶甲戌客無爲州歲歉捐重

資助賑得議敘紀錄二次居家孜孜爲善義行甚多

涇縣志

張中泰涇縣人與弟中和俱諸生孝友好施同心無閒族建宗

祠支祠兄弟首捐六百元爲倡乙巳歲歉捐千金買米以賑貧

乏又嘗捐八百餘金造凌雲書屋訓族子弟貿易餘千縣遇歲歉雖客居亦捐金三百餘助賑其他如造渡周急義舉不可勝紀初兄鎬早卒姪僅五齡中泰中和撫之成立事嫂尤謹家無私財尤爲人所難能

涇縣呈冊

張元音太平增生性孝友好施父母早卒事祖父母極孝人稱順孫邑修學宮捐金八百爲倡嘗獨力建宗祠兩廊又捐金造仰山橋捐千金修邑東門路其歲歉助賑完族婚娶代償逋賦事不勝紀同邑士庶爲請祀孝義祠

太平縣呈冊

張鑑宣城人嘗倡築方山保定圩一方戴德又建造宗祠賑給饑饉修橋砌路義行甚多

宣城縣呈冊

張薰宣城人道光三年大水圩潰捐金一千二百有奇助賑又買米散給本族平生孝事二親友愛兄弟復古渡建茶亭施藥

給棉修橋砌路義行甚多

宣城縣
呈冊

按宣城移來縣冊於道光三年水災開列輸賑八十餘人多千金數百金者洵屬好義但以不分生卒不便立傳又其間似多客寓不盡土著亦難覈載姑以俟續修者

盛士祺南陵諸生母歿三年不入私室嘗養贍從嫂又爲從姪完娶嘉慶庚午大水圩將潰祺備椿木督眾力救得完甲戌旱捐貲賑粥凡邑有公事竭力襄助兼總出納閭邑欽其廉介

縣志

汪庭有太平人知府銜母病疽親吮膿血爲孤姪完娶凡三人嘗捐金二千修學宮建義學造邑樂成橋費至鉅萬又砌路建亭捐田施茶者數處約費三千金有奇貿易漢陽置義冢施棺木又於本邑置義冢數處歲歉賑濟建義倉興文會義行甚多

杜惟賢太平監生歲歉運米平糶邑修學宮造義興橋黃田渡
皆捐資又置田興族文會捐助大通鎮同仁救生兩局道光九

年

旌表建坊

太平縣志

周斧文太平監生事父孝兄弟無私財嘉慶癸酉旱捐數百金

贍族

太平縣志

徐兆蘭字退菴宣城庠生識敘鹽知事整理饑官文星閣捐貲
育嬰堂道光癸未歲歉輸千金助賑又督修惠濟橋及他廟墓
助祀田卹族鄰不可勝紀

宣城縣志

陶宏樸字愚齋南陵人慈惠好施無倦色力不給則稱貸以與

之病革遺命鬻田宅以償所負而盡焚負己之券

梅曾亮文集

凌夢蘭字甸芳宣城貢生道光閒兩次水災捐金助賑建修橋

梁寺觀皆力肩其任

宣城縣志

鍾貴林字次珍宣城監生道光癸未災捐資助賑倡修城垣己酉災復捐助之同族在水陽者二百餘戶悉按丁給送稻穀

宣城縣志

縣志

孫貴勳字馨一宣城歲貢道光癸未水罹舟救人購穀千餘石賑族復於郡城倡捐散賑設粥廠施棺木己酉災賑濟亦如之

宣城縣志

陳玉梁宣城人道光癸未捐資助賑并捐修上興寶圩同縣李守根陳常並於戊申己酉年濟荒周急以義行聞

宣城縣志

張守材涇縣人舍藥施棺三十餘年修路賑貧掩骼累費千金道光間疊捐米千三百餘石賑荒軍興助餉祖祠助費增義渡

橋梁並助田畝作歲修費

涇縣縣志

丁時可丁嘉藻俱涇縣人道光間各賑穀百石又丁時介丁嘉福兩次捐穀賑荒丁永博余明璣王珍王瑞鼐各三次丁廷秀張承清各九次丁廷元丁仙洲馬務本各數次張承清又有造橋修城募勇諸義行

涇縣志

鄭尙忠涇縣監生同弟庠生尙祿監生尙祺每歲暮周卹親族里人貧窮者給錢米道光己酉水災捐金五百賑濟咸豐初倡捐練費三千餘金丙辰冬散穀百石

涇縣志

朱安廣涇縣監生捐田十八畝於義生堂濟族中孤寡捐銀百五十兩於宗祠文會捐錢千緡於瓊山義學他如修城池建書院俱捐助子訓詳創建節孝祠

涇縣志

左光裕涇縣人道光己酉水災備舟楫糗糧全活甚眾捐貲修水西書院粵匪告警散粟集子弟七百餘人令子錦隆添沛率

之所向皆捷累助營餉二千餘金貢生董志奇監生左承祖左文偕均於道光間賑荒周卹族鄰

涇縣志

汪宏清涇縣人道光間捐助義倉穀數百石修學宮銀千兩歲歉捐米平糶

涇縣志

查承注涇縣人道光間海疆警承注在旬谷張家旬倡興團練捐金二千

涇縣志

王枝芳涇縣諸生道光癸未癸巳邑災周卹族黨次子時珍捐修學宮己酉水輸穀三百六十石賑族孫國鈞迪吉咸豐間捐練餉二千三百金

涇縣志

潘景彭涇縣人道光初客灣沚水災與潘周達潘周雲倡賑難民數萬三月之久全活實眾

涇縣志

潘行素涇縣監生道光戊申己酉水災捐金六百助賑後復捐

城工練費千一百金

涇縣志

朱份涇縣廩貢道光中選江蘇宜興教諭捐俸修學宮回籍後築本村隄壩修高村橋義舉甚多

涇縣志

朱錦樹涇縣監生道光閒水荒出粟貸人不足繼以金累五千兩悉焚其券

涇縣志

丁崇實涇縣人道光閒水災賑穀三百六十石咸豐閒殉難

志

曹士林涇縣人編修銜與族弟仁秀出米其賑水荒又貢生曹汝文監生曹仁念並節次賑荒捐餉銀軍米

涇縣志

朱則璋旌德人道光中獨造耆棚費萬五千餘金復置田爲歲修費子德濟季方添建鐘鼓樓

旌德縣志

朱則鴻旌德人布經歷銜道光閒在揚州捐賑千餘金本邑修

黃冲路紫陽橋置義冢五埋骨無算輪祀田施棺茶藥不倦

旌德志

方光廟旌德附貢道光初獨建文武聖閣造永興橋設茶亭其

費四千餘金子家杭倡捐百金修橫山路造屋柱橋修楓橋下

中壩復費二百金焚借券多紙

旌德縣志

呂偉山字松坡旌德附貢浙江鹽經歷道光己酉賑水災有惠

聲修橋補路施衣放生禮助士林鄉評尤洽

旌德縣志

呂祥姚呂裕成俱旌德人貿易六安歲饑捐賑在本邑置義冢

合葬浮櫬七百餘具

旌德縣志

呂烈菊旌德人州同銜貿易六安歲祲獨賑一月在本邑疊捐

平糶入百金又創立鋒裕承裕各文會

旌德縣志

呂雲旌德人理問銜疊捐平糶五百金置文會田爲族人讀書

應試之費

旌德縣志

呂億旌德人生母家貧助田二十畝修水口橋富林干路又助

修城工資

旌德縣志

呂朝言旌德人嘗費千金置義冢瘞暴骨三百餘具

旌德縣志

劉校章旌德人州同銜道光季年在灣沚助賑五百金輸祀田

置義冢

旌德縣志

崔堯章太平監生精醫施藥六十餘年倡修譚家普仁二橋黃

毫鐵甲二都各路道光三年水災掩暴骨散穀施粥

太平縣志

項鳳祥太平監生買荆宜開道光三年川水災僱船撈埋浮屍

捐設粥廠八所經理五月全活流民萬餘

太平縣志

盛英太平貢生道光三年灣沚多鬻妻者英贈資完聚數十家

太平縣志

崔國勳太平監生鄉里有訟嘗出數百金和解道光閒歲饑散穀百餘石子有淡亦嘗助修迪光橋捐百金入蕪湖救生局

太平縣志

縣志

崔應昌太平監生歲歉施賑育嬰救生歷修橋梁道路費二千

餘金同族崔齡椿同弟文光文彬捐錢千緡置青山義塚瘞暴

骨數千具又捐粟千斛救饑應昌樂助之

太平縣志

崔華慶太平人道光辛丑同弟華實華焜在灣沚鎮捐埋暴骨

千餘癸未復集捐資在青山瘞暴骨三千餘具

太平縣志

崔繼序太平人築河西堤費數千金田墓皆保行人稱便子庠

生永清踵修之

太平縣志

崔世德太平人同弟世應捐金數千建黃榜嶺石橋又建小河

口黃田鋪各橋修平簪嶺鐵甲嶺路代貢戶完糧買穀減糶散

米施楷建支祠出多金晚年析產兄弟交讓

太平縣志

孫元旦太平人州同銜道光時捐二千金造宗祠培義學有章

姓以積累鬻婦代償完聚

太平縣志

周人俊太平庠生事母孝撫姪成立道光己亥水民居漂沒俊

率家丁僱工沿河撈救全活多人

太平縣志

李邦秀太平武生道光中倡建宗祠修譜捐一千二百金又費

四百金築村橋及瘞埋枯骨

太平縣志

張應綸太平增生官陝西耀州知州有治行同籍後經理義學

修城南仰山橋

太平縣志

胡錦華太平人候選知州道光辛丑販米三百石修試院造橋

路妻孫氏賢成豐乙卯助軍需二千金

太平縣志

徐英字巨英宜城監生再從叔母孀居子幼英供養如母爲弟

成室并析以產筮岳壩蛟水冲缺傾囊倡修恃爲保障二十餘

年

宣城縣志

徐景晁字慎甫宣城歲貢精醫施藥不受一錢鬻田四百餘畝

以廣其術同邑季紹德字心田增生黃溥字問渠亦精醫施藥

宣城縣志

孫逢源字惠風宣城監生兩次出金完人夫婦

宣城縣志

胡凱字繼儒宣城監生減價糶穀以賑鄰里至稱貸以施而鬻

田以償臨歿焚借券千餘金同縣增生徐大本亦有焚券事

宣城縣志

宣城縣志

方德福字蔭田宣城監生修東溪大橋捐資督役歲殷輸銀賑

饑創家祠修譜牒皆獨任之

宣城縣志

朱耕山涇縣人族重建環山義學捐八百金又賑荒修路掩骼

涇縣志

朱熹字秋舫涇縣人六代未嘗析產修馮渡橋驛道建族中節

孝祠倡造義倉義學義冢費四千金水災捐穀五百石助賑又

買田增致遠堂濟貧之費先後散萬金以上

涇縣志

俞賢位涇縣人業農積銀百餘兩盡助宗祠

涇縣志

吳守興涇縣人捐六千金創建義倉捐千金倡立義學

涇縣志

吳時中涇縣人每年終出錢百緡濟貧散棉衣數百件又吳道

中吳秉中均有賑荒埋胔事

涇縣志

胡承補涇縣人捐千二百金立勵善堂歲給族中無告者子先

補增捐田畝市房又捐山田爲族葬地

涇縣志

胡光燮涇縣庠生歲歛有鬻子者與錢十數千父子完聚

涇縣志

胡學書涇縣庠生好施與周卹族中貧乏鄰有不舉火者與書

數部以易錢米同縣胡榜並胡承璧胡慶祥胡錫麟胡炳麟胡

天國胡世洽胡世湯均以好施聞涇縣志

胡世經涇縣人焚券平糶賑粥施棺育嬰又助修營官城垣書

院義倉義學造北鄉麻源橋下坊義渡在大通鎮創設同仁堂

救生局涇縣志

洪維寬涇縣人修城垣學宮創涇川書院建義學治境內道路

捐設銅陵同仁局涇縣志

胡寶仁涇縣庠生捐助涇川書院又輸府城費三百金涇縣志

查德紅涇縣監生捐獅山書院百金建支祠輸錢六百緡涇縣志

查大烈涇縣人嘗焚積券數千金在蕪湖先後捐賑銀五百兩

在族捐資團練又出錢米以濟里人涇縣志

查崇信涇縣監生捐東壩壩費練費四百金在蕪湖出百金助

救生局置義冢散棉衣歲款捐賑

涇縣志

查銜涇縣監生客濡須鎮水漲壩傾捐金數千捍衛倡造板子

磯救生船并置義冢又查應標查輔仁查佐庭查天植查崇大

查永賢查思審查集賢查崇楠查崇銘查崇鑣查思秋並以樂

善好施聞

涇縣志

查馨涇縣監生代族人完糧助練費建支祠費二千餘金又造

獅山書院學舍捐田於文會捐租於公祠恤孤寡賙貧乏修路

施茶皆無吝色客繁昌三山鎮捐穀二百餘石助賑

涇縣志

查崇拔涇縣監生歲款捐賑又捐助家塾賓興倡修祖祠不惜

巨費

涇縣志

查德邦涇縣人捐錢千緡於祖祠又倡建支祠并捐田以作祀

費又監生包鍾岳倡捐建祠未竟子有勳成之并修學宮武廟

涇縣志

查冠羣涇縣監生修村口大路及獅子山棧道並建石橋捐千金助練築狼阮寨又費四百餘金

涇縣志

查崇禧涇縣監生客無爲州六遇水災厚給圩人錢米在含山修路建橋又嘗焚積券數千金同縣吳如在潁州捐三百金助賑

涇縣志

查之璧涇縣監生縣學官牆捐資獨修歲歉賑濟六百餘戶捐五百金入籌備公局又在當塗伏龍橋散衣穀活人無數

涇縣志

汪德和甯國人在蕪湖倡捐救生局一力經理每歲全活多人

甯國縣志

鮑全德甯國附貢捐兵餉八千金凡善舉無不仗助

甯國縣志

徐源裕甯國諸生鬻產以建宗祠及造竹峯渡

甯國縣志

甯國西鄉某衣食不給幼子負薪得遺金百兩某揭帖招還之

廩生周文吉慕其義厚餽之亦不受

甯國縣志

汪鼎潮旌德人潛心理學讀書行善族建支祠輸二千金又以

萬金助姪

旌德縣志

汪志仁旌德人每歲歛出千金賑饑藏書積四十餘萬卷築樓

四閒皆充棟焉

旌德縣志

汪君體旌德人輸三千金助修城垣族建宗祠及施櫓掩骨俱

慨捐千金

旌德縣志

汪期蓮旌德人建武廟造魁星閣及助宗祠支祠各文會費萬

金又置義冢瘞暴骨一千四百餘具

旌德縣志

汪士茂旌德人嘗與族人置義冢二所又於繁邑獨置一所遇

貧窮加意拯卹借人資書於籍不取其券疾篤屬其子取籍焚

之約數千金同邑劉體璜亦有焚券事

旌德縣志

汪祖果旌德人置義冢掩暴骨獨修孫村至德山路五里及村後路百餘丈王高福亦獨修東固橋至十五都路十餘里

旌德縣志

汪應稷旌德監生輸千金創立義倉助文會田十餘畝

旌德縣志

汪致福旌德人候選同知在當塗賑災數千金在籍輸五百金

本糶每歲暮必以數百金濟窮乏

旌德縣志

朱琳旌德人獨修甯國府南樓於本邑獨建節孝祠捐募租爲歲修費旌陽書院久圯復獨營造又捐田六百畝市房四所入

旌陽書院學宮城垣俱輸多金

旌德縣志

朱德梁旌德監生修學宮學署費七白金輸千金助修城垣他

造橋修路事甚夥

旌德縣志

方甸旌德廩生父病侍湯藥至廢寢食修荷花塘至仙源路費

五百金歲歉捐米千石族有集賢文會久廢助膏火田畝興起

之

旌德縣志

方遇旌德監生歲歉出穀減糶獨修百路圍至丁家嶺路四里

運暴骨二百餘具

旌德縣志

方一萬旌德人遺存公項以備義舉裔孫等捐修城垣及書院

二千金并置義冢四所

旌德縣志

胡國理太平監生成豐中在漢口資送鄉人避難者數千又修

祠宇葬遺骸續絕嗣室貧鰥出千金修通徽州太平路十數里

刊法戒集體驗集先正格言

太平縣志

胡近榮太平人候選同知府修城垣及書院縣修學宮義學試

院及普仁橋皆捐資

太平縣志

崔頹太平監生手鈔朱子小學置懷袖中暇卽翻閱在三折嶺

拾遺金待還其人又監生蘇奎光拾遺金五十兩候其人還之

焚父時借券

太平縣志

張學沛太平人候選州同輸五百金倡修仰山橋邑修學宮試

院及忠烈祠皆捐資又獨修牛婆阮路

太平縣志

崔學忠太平人捐腴田十餘畝創立義倉積至歲穀數百石遇

災賑濟全活無算族人祀之

太平縣志

崔堃太平監生羊棧嶺下路爲通省孔道捐五百金修之鐵甲

白沙宏潭諸路各捐百金又捐六百元於蕪湖大通兩救生局

太平縣志

崔煥文太平監生族有體仁水龍各會俱捐重貲又散給難民

錢米半年

太平縣志

崔志亨太平監生嘗出千金爲族中掃墓讀書費鄉鄰有被難

者密給錢米親戚不能自存者按月伙助賑粥以救歉歲散米

炭以卹難民建廟修路合藥施茶助救生局費置青山義地皆

捐鉅資

太平縣志

崔駿太平人布理問謁選入都遇到虎文者病暑初不敵脫贈

百金遇歉歲出穀減糶竭力周恤親故置義冢造橋施棺

太平縣志

崔國樹太平人負擔爲業手輯支譜二十餘年始成好義者助

資刊之咸豐中負譜避賊遇害

太平縣志

崔炳太平監生嘗以二千金分給兩弟體仁潛德會及蕪邑救

生局皆捐重資

太平縣志

湯霽宣城諸生妻耿氏事姑篤孝耿卒有子爵遂不再娶

宣城縣志

張振謨南陵人年三十喪妻不復娶五世同堂壽八十六卒

南陵縣志

縣志

張繼龍涇縣人少孤貧創業任弟自擇邑設團練捐三百金

涇志

張善培涇縣人施棺濟貧費近千金修盛家塢橋築郡城南垣二十丈歲歉賑米千八百石助軍餉千金又重修學宮泮池石

欄

涇志

張可煊涇縣人捐錢六百緡掩埋枯骨倡興家塾文會助軍需倡團練守城積勞而卒弟可盈可盛可盟及張希志張希杰張守傑張守著並有出穀賑饑事

涇志

張廷佐涇縣人創建族中義倉興文會輸郡東惠濟橋數千金又精醫施藥

涇志

張瑞清涇縣人藩經歷銜古樓北爲微甯要道獨捐千金修路五里又捐餉費三千金

涇志

趙鍾美涇縣貢生輸資修城垣書院捐穀四百石助賑又趙桂

燧趙校趙同展趙同書並以樂善好施聞

涇縣志

趙良哲涇縣監生歲祿以四百金卹族里復置田建豫大堂以

濟親支次子耀里於歲歉捐穀七百石

涇縣志

趙祖貴涇縣人家故貧財產皆手殖以分諸姪無私凡捐修學

宮文昌閣城垣書院以及軍需倉穀約數千金悉歸善父兄不

自名從兄弟早世爲置產立嗣友老無嗣贈金買妾生子友卒

養孤孀十餘年

涇縣志

鳳淡鳳名顯鳳慶鳳超羣鳳承寵鳳儀廷俱涇縣人並散粟賑

荒淡慶又倡捐文會名顯又有焚券事

涇縣志

胡廷相涇縣人誼篤周親族人賴以舉火者數十家銅陵同仁

局漢陽自新敦本同善三堂及琴川書院皆有捐助又本邑義

宮講舍城垣義倉義學廷相皆輸資同族胡先例胡世補亦捐

金俱各以千計世補又有散米焚券事

涇縣志

胡澤四涇縣監生少孤貧採樵服賈漸裕嘗於大宗祠支祠各

捐千金置產積穀備荒

涇縣志

胡啟南涇縣人布理問衙捐練費軍餉築寨其二千三百金又

沈長生助八百餘金胡元坤亦捐三百金助餉

涇縣志

吳鴻冊涇縣貢生捐家廟祭費錢六千緡

涇縣志

吳世盛涇縣人官中書科中書水災在貴池青陽當塗蕪湖繁

昌等縣捐賑出力又於蕪邑救生局捐助田畝

涇縣志

吳承銑涇縣監生縣甘露菴至花林等處路三十餘里倡捐二

千餘金修葺並建憩亭又修葛家隅古墓數十處

涇縣志

吳因禮涇縣監生承父志捐金二千建村口石橋並邊山溪口

橋路又吳因材獨力築堰濬治水道溉田數百頃

涇縣志

吳大知涇縣人布經歷修葺連溪橋路捐四百餘金倡造隄埭

涇縣志

吳魯珍涇縣人捐金三百修琴溪橋又置家廟祭田十畝

涇縣志

萬宗煥涇縣監生捐建祖祠賑濟凶荒吳城火災客貨多被焚

不克歸宗煥出金三百分與之

涇縣志

朱崑涇縣監生少孤貧質漢陽稍裕為族間捐義倉興文會設

嬰堂助祀產其捐一千餘金又朱安鸞朱慎修朱煒朱著朱菁

朱廷魁朱材並以樂善好施聞

涇縣志

朱禾煜涇縣貢生見商人覆舟貨沈將自盡贈資遣歸又見負

債鬻妻者予金得完又瞿其相見歲荒鬻婦者代為贖之

涇縣志

朱宗離涇縣監生周濟近族百餘人歲以為常代從叔償人金

得息訟捐三百金設師範堂於蕪湖置田三百餘畝助會試公

車之費

涇縣志

朱春元涇縣人府學官傾圯獨力修理村人告貸悉依助之歲

暮有老嫗求借適缺乏無以應脫裘以贈之

涇縣志

朱相涇縣人設樹德堂義學每歲暮必得數百金贈寒士辛丑

大雪凍餒者不能出為粥戶散之

涇縣志

朱一昂涇縣人贛州張染工負通將鬻子婦以償還其券并依

助之又捐助里中文會節孝祠章門義冢大通救生局

涇縣志

江洪家旌德監生遇歉平糶前後費八百金簪嶺為旌歛孔道

出五千金修之又費五百金置烏山義冢

旌德縣志

江秉謙旌德人登江村至廟首路費六千金修城平糶置義冢

息爭周急俱不惜費

旌德縣志

郭其珍旌德貢生獨修鳧濱橋板壁頭跳仙橋各路歲款平糶

倡立豫豐倉

旌德縣志

郭良璧旌德人州同銜建梯雲會課族人存千四百金爲膏火

費助平糶修道路皆不惜資

旌德縣志

許本週旌德人建義學助平糶置義冢二所瘞暴骨數百具

旌德縣志

舒秀水旌德人理問銜幼貧居積萬金分給諸弟歲饑命子玉

麟捐數百金運米平糶並倡捐以救避賊難民全活甚眾

旌德縣志

王宗錡旌德監生兄弟六人父以孫輩多令其分箸後多中落

錡復聚合總家政三十八年人無閒言又置房產爲祭祀讀書

之費

旌德縣志

戴樹棠旌德人貿易揚州邑人來避難者給衣食借資本助牛

種又偕族人置義冢埋暴骨四百餘具

旌德縣志

呂俊三旌德監生獨修城西南垣費千八百金濬官溝及修西

嶺路又費千金

旌德縣志

呂和淵旌德人助徵甯軍餉各二千金捐百金修甯郡考棚立社倉助文會置義冢平道路修祠建橋又遇災賑濟歲暮施錢

米棉衣

旌德縣志

呂成校旌德人貿易揚州鄉人旅困者必竭力周卹晚年回籍出五百金築村中隄以護田畝

旌德縣志

王含璋太平人州同兩建祖祠倡修學宮出錢千貫爲書院膏火置租五十石爲族中文會又輸貢院百金

太平縣志

項廷偉太平人州同捐修山門嶺八十餘丈輸宗祠田三十畝

冬給棉衣歲荒平糶贍族

太平縣志

王祥祀太平人從九品族建宗祠捐二千餘金在和悅洲命子昭靖籌給避難族人錢米三年又王錫亦以父命在和悅洲濟避難族人

太平縣志

蘇采三太平人同弟玉衡捐修鷓鴣嶺路千金又運判銜蘇致美捐修必吉嶺路千五百金監生蘇元貴捐修泥田嶺路五百金監生杜以晉捐修九華嶺路千金監生杜鈞枝捐修卓村水口路千金

太平縣志

杜寅太平附貢輸義倉千金子炳監生捐千金置田給族耆胙

太平縣志

杜天衢太平監生修蜈蚣嶺路置享堂助鄉試川費其捐千餘金又監生杜廷翰捐千金置田為族人鄉試費

太平縣志

項爾霖太平人州同族建義倉邑造仰山橋各輸千金學宮書

院皆有捐助

太平縣志

項浚雲太平貢生修桃嶺路六十餘丈賜族人造黃田渡修玉

龜義學其費千金

太平縣志

項衢太平人修雁潭嶺石路三里獨建銅關橋又項彭年發董

兒嶺石路數十丈

太平縣志

項殿升太平武生倡造雁潭渡舟修陡步石路八十餘丈有翼

妻者出金贖之

太平縣志

孫茂春太平監生祖遺產業悉讓與姪建義倉修橋路捐金不

吝

太平縣志

李春和太平貢生代族人完通賦同弟季和修石路費二千餘

金

太平縣志

方得安太平人同知銜貿易荆沙邑人避難來沙者千計捐給

錢米畱店中飲食者常百餘人監生孫逢吉附貢孫逢庚在漢

口鎮亦如之

太平縣志

譚冠英太平監生客楚南邑人來避難者無不周卹後同里捐

埋暴骨百八十餘棺修祠建橋皆倡捐爲之

太平縣志

譚桂元太平人從九品捐千金建義倉遇水旱災輒賑代族人

完通賦七百餘金焚借券

太平縣志

譚欽太平監生族建支祠獨出鉅費興義倉置祭田葬親戚浮

櫬四十餘具

太平縣志

趙垣太平廩生邑修學宮試院義學其捐千三百金又捐三百

金爲國練費

太平縣志

張淑起太平人邑建學宮淑起有屋值千金捐入之州同黃士

貲貢生黃景憲各捐千金州同張學淦捐五百金又捐三百金

助修仰山石橋費

太平縣志

曹萬鍾涇縣人凡造祠廟橋路皆樂輸歲歛有逋負賣妻者解

囊助之

涇縣志

翟樹滋涇縣人族建文星閣關帝廟獨捐千金歲旱輸穀二千石官甘肅碾伯知縣調中衛詳請豁免坍地虛科捐廉造通濟洞以息水患

涇縣志

翟善浩涇縣人候選從九品歲荒在宣城捐資助賑又捐田九十五畝入祠爲祭胙費弟永測妻萬氏遵夫遺言輸錢五百緡爲小試卷資又翟英特翟守祺翟一倫一基一橫一煌翟國賓均以義行聞

涇縣志

蕭四海涇縣監生邑建洪干橋助田數十畝又捐數百金爲宗

祠祭費

涇縣志

鄭元基涇縣人焚積券千餘金殯無資者輒施棺木

涇縣志

鄭元衡涇縣庠生有孀婦將鬻子女償債者爲之代還冬夏施

茶炭歲數施粥又衛善樂有賑金完人夫婦事

涇縣志

鄭鳴皋涇縣監生同族人庠生浩然監生逢源修明倫堂費千

金書院橋渡皆有輪助

涇縣志

左翼涇縣人捐二千金修學宮及名宦祠助豐備倉穀四百餘

石水災賑濟復捐錢千餘緡散給宗族歲旱糧梗獨辦軍米數

百石

涇縣志

左德基涇縣監生歲數疊捐穀一千五百餘石又捐助倉穀六

百金

涇縣志

汪浩潮涇縣人歲數出粟二千餘石賑濟

涇縣志

汪經焜涇縣監生好以義導人見盜瓜者予以錢使改行後鄰

失牛忽送還卽前日盜瓜者

涇縣志

李時倫吳念祖俱涇縣人並拾遺金還其人又庠生馬合璧監生胡開基從九趙應鳴均有拾遺還金事

涇縣志

陳渭春涇縣人捐田二十畝入承先堂備荒出錢五百緡買穀賑濟輸五百金設四都團練局又增生陳輝監生陳春澤陳秦勳徐廣厚徐啟元徐傳欽徐子倫楊春泉李佩璋張文炳並捐穀濟荒監生陳繼增陳瑜先陳德積陳兆奎陳耀宗陳德模並歲歉賑穀團練捐錢兆奎父之才先曾捐田九十畝書屋一所爲合族文會

涇縣志

潘騰盛涇縣人從九品水災勸捐穀數千石濟族修學宮城垣橋路咸豐初設局籌防先後捐千餘金

涇縣志

馬邦彥涇縣貢生同馬文謙先後各捐賑四百金又各捐文會

百五十金文謙復輸三百金助建文昌閣

涇縣志

馬掄魁馬嘉言俱涇縣人各捐田十餘畝爲祠祭費共捐練費善局千餘金咸豐庚申掄魁出四百餘金嘉言出麥百餘石周卹族里又馬理華捐文會及練費六百餘金

涇縣志

葉子英旌德監生兄弟幼孤賴母備值以養年十二請外貿赴江西十餘年養母外少有所蓄兄不能自立三十猶鰥英爲迎嫂而後自娶族戚避難江西者供給借貸無不周至

旌德縣志

王美旌德監生歲饑捐三百金平糶修祠建橋掩骼

旌德縣志

姚煥文旌德人同知銜嘗修補橋路歲歉兩出倉穀減糶及避亂外出族人後至者莫不資助

旌德縣志

鄭炳然旌德監生仁厚知醫咸豐初在甯國縣獨設育嬰堂全

活甚眾

旌德縣志

趙世瑛太平人都司銜捐修學宮仰山橋龍門嶺共五千五百

金又出錢五百緡助修考棚

太平縣志

汪金鏊太平人貿易漢口族人避兵來者悉資助之又同邑人

黃景星等籌辦恤難局及助宗戚同籍收葬露骨費五千餘金

太平縣志

焦際雲太平貢生獨修白茅嶺石觜頭各路輪團練費三百金

太平縣志

崔培林太平人布理問捐助義倉三百金本村箬嶺譚家橋羊

棧嶺下路皆倡捐修砌

太平縣志

程鉉太平人州同捐數千金建祠同崔姓倡修樞樹下路十餘

里輪田四百畝入蕪湖救生局

太平縣志

程濬太平監生焚借券萬餘金

太平縣志

孫繩武太平監生建永甯橋族興文會輸金二百田十五畝助

之

太平縣志

杜魯賢太平人助施濟堂修水車灣上阮嶺各路費六百餘金

又置田立齒賢堂爲養老尊賢之用

太平縣志

王光論太平人布經歷兄弟友愛析產後別與姪輩三千金焚

遺券四萬餘緡

太平縣志

劉用周太平監生捐團練百金又以千金助餉栗樹橋圮捐二

百金倡修之

太平縣志

朱宗潘字蓮堂涇縣人花翎道銜事母至九十餘歲歿而猶毀

弟璵旣出嗣矣恆資助以財族子無力延師者建德鄰書舍教

養之兵後田荒購耕牛數百頭俾族人開墾經商於三江兩湖

閩粵各州縣鎮市建育嬰貞節諸堂置義冢造橋道設義渡捐

金自二萬至千數百不等又於本邑建溪橋埋嚮八千餘具先後捐軍餉練費命子守謨募勇製械賑濟災荒資給難民共四五萬金同治五年倡修縣學捐千金次年獨修府學費近四萬金督工三載不辭勞瘁卒年八十一光緒元年奉

旨祀鄉賢祠

安徽奏案
涇縣志

呂成漪旌德人客亳州受鄉人寄二百金十年無耗邂逅鄉人子還之

亳州志

項瀛錫太平附貢設局團練保訓導倡捐米穀全活難民

太平縣志

冊

江兆美涇縣人祖承鶴父宗瑞俱有義行兆美與弟兆定並能承志散穀濟貧出資助葬

涇縣志
呈冊

杜炳太平人家貧授徒有窮苦者不受脩脯鷄鷄嶺路最險仄

炳勸捐督修五載始竣咸豐初鄉里遭粵逆之害炳倡捐百金

撫卹又命子作舟糾合二十七姓團勇克復石埭歷戰琉璃嶺

苦竹橋等處保衛一方與賊相持八年不懈

太平縣志

黃景星太平人捐職道街道光二十二年邑大雪倡捐賑饑全

活甚眾又獨修考棚東西文場費千餘金鳴鳳橋星祖光健所

捐建星獨修三次以繼前志

太平縣志

焦廷錫太平監生嘗修縣西娘嶺路嶺下有橋爲廷錫高祖所

獨造并出五百金修之

太平縣志

方垣太平人候選按知事嘗捐三百金同黃景星倡辦團練難

民入境者復賑濟之邑夾阮路圯獨力捐修又於如皋縣倡建

會館置義冢地

太平縣志

杜炳烈太平監生父歿哀毀事母孝族有無力婚葬者助之婚

亂來鄉者給其柴米子連德亦以讓產樂施聞

太平縣續冊

汪肇封太平人州同敬事婆嫂撫諸孤爲之婚娶漢鎮有太邑
義冢封爲編立字號歸葬者稱便又有倡捐會館及族中文會
義倉諸善舉子敦煥監生能踵行之

太平縣續冊